

ASTIGARRAGAKO UDALAREN ETA ASTIGAR ELKARTEAREN ARTEKO HITZARMENA, DIRULAGUNTZA IZENDUNA ARAUTZEKO

Astigarragan, 2026ko ekainaren 30ean.

PARTE HARTZEN DUTE

Alde batetik, Xabier Urdangarin Lasa, Astigarragako alkatea, Astigarragako Udalaren izenean eta ordezkaritzan.

Bestetik, Jose Mari Alberro Irizar, G20051702 IF zenbakia duen Astigar elkarteko lehendakaria bere izenean eta ordezkaritzan.

Bi aldeek hitzarmen hau egiteko gaitasun osoa eta kasuan kasuko ordezkaritza aitortzen diote elkarri eta eragin horretarako ondokoa

ADIERAZI DUTE:

1.- Toki Araubidearen Oinarriak arautzen dituen 7/1985 Legearen 25. artikulua eta/edo Euskadiko Toki Erakundeei buruzko 2/2016 Legearen 17. artikuluari jarraikiz, udalerrien eskumen propioa dela: kultura eta kultura-jarduerak antolatzea eta sustatzea, eta erabilera publikoko kultura-ekipamenduak kudeatzea.

2.- Astigar Euskal Ohiturazaleen Elkartearen xedea, besteak beste, honako hau dela: herriko eta Euskal Herriko ohiturei eutsi eta horiek zabaltzeko ekimenak bideratzea, horien artean herriko ohitura eta berrien zabalkundea.

3.- Elkarteak 2026/06/25ean (2026-3281 erregistro zenbakia) Astigarragako Udalari eskaera egin diola dirulaguntza izenduna eman diezaion, 2026ko jardueretarako, hala nola, batetik, euskal dantzak sustatu, dantza eskolak eman eta urtean zehar hainbat emanaldi eskaintzeko eta, bestetik, Astigar elkartearen 50 urteurrenaren harira, elkarteari buruzko historia liburua lantzeko.

4.- Astigarragako Udalak onartuta duela dirulaguntzen plan estrategikoa eta indarrean dagoen plan horretan dirulaguntza izendunen lerro hau jasotzen dela:

Pertsona hartzaileak: Astigar Euskal Ohiturazaleen Elkartea

Ematearen modalitatea: Izenduna.

Helburuak: euskal dantzak sustatu, dantza eskolak eman eta urtean zehar hainbat emanaldi eskaintzea.



Astigarragako Udala

5.- Udalak Astigar elkartearen izenean 23.000 € dituela aurreikusita eta onartuta udal aurrekontuko kontu-sail honetan: 1 0700.481.01.334.12 2026 (1665)

6.- Dirulaguntzei buruzko 38/2003 Lege Orokorraren 22. eta 28. artikuluekin eta *Dirulaguntzak ematea arautzen duen udal ordenantzarekin* (aurrerantzean dirulaguntzen ordenantza) bat etorrita, zuzenean ematen diren dirulaguntzen erabakiak hitzarmen bidez hartu behar direla; eta ezinbestekoa dela araudi horietan xedatutakoa kontuan hartzea.

Ondorioz, bi aldeek erabaki dute hitzarmen hau onartzea baldintza hauekin:

BALDINTZAK

LEHENA.- Hitzarmenen honen xedea Astigar Euskal Ohiturazaleen Elkartearen dantza jarduera, eskola eta emanaldien dirulaguntza arautzea da.

BIGARRENA.- Jarduera horiek bideratzeko Astigarragako Udalak Astigar Euskal Ohiturazaleen elkarteari **23.000 €-ko dirulaguntza emango** dio. Elkartearen berariazko eskaera eta dirulaguntzen ordenantzaren 23. artikulua eskainitako aukera baliatuz, dirulaguntza osorik ordainduko da (%100), ordainketa bakarrean, hitzarmen sinatu ondoren.

HIRUGARRENA.- Astigar Euskal Ohiturazaleen elkarteak betebeharrak hauek ditu:

3.1. Jarduera hauek burutzea:

- Dantza atala
 - Dantza eskolak eta ikastaroak urte osoan zehar.
 - Jantzien konponketa eta mantenua.
 - Dantza emanaldiak: SBE emanaldia, Zirrikoketa Astigarragako inauteria, Irradaka emakumeen dantza, San Isidro eguneko dantza, Jaunartzeak, San Joan zortzikoa, Dantzari txiki egunak, Astigarragako korporazioaren Soka dantza, Santiyo eguneko emanaldia, Sagar Uza...
- 50. urteurrena: elkartearen historia jasotzeko liburuaren lanketa.
- Dirulaguntza izenduna honela banatuko da jarduera nagusi horietan: dantza atala (eskolak, emanaldiak eta abar) 14.000,00 euro eta historia liburua 9.000,00 euro. Atal bateko dirulaguntzaren soberakina bestean erabili ahal izango da, salbuespen gisa eta behar bezala arazoituta.

3.2. Dirulaguntzaren ordenantzaren 22. artikuluan adierazitakoa betetzea, hala nola: diru-ekarpena dirulaguntzaren xederako erabiltzea, dirulaguntza zuritzea, beharrezko baimenak eskatzea, udalaren ikuskaritza onartzea, hizkuntza eta berdintasun irizpideak betetzea, aldaketa esanguratsuen berri ematea.

3.3. Elkartearen ardura izango da ekintza bideratzeko beharrezko giza baliabideak jartzea; eta nolanahi ere, indarrean dagoen legeria betetzea.



Astigarragako Udala

3.4. Dirulaguntza itzultzea, baldin eta dirulaguntza emateko ezarritako baldintzak eta betebeharrak betetzen ez badira, eta, nolanahi ere, indarrean dagoen araudiak xedatutako kasuetan.

3.5. Dirulaguntza justifikatzea dirulaguntzen ordenantzaren 24.2 atalean urteko ekintzentzat jarritako epean, ha da, 2027ko urtarrilaren 15erako beranduenez, eta gastuak zuritzea dirulaguntzen ordenantzaren 24.3. artikuluan zehaztutako agirien bidez. Horrez gain, gogoan hartu eta bete egingo dira jarraibide hauek:

- diruz lagunduko diren eta ez diren gastuei buruz, besteak beste, dirulaguntzen ordenantzaren 8. artikulua dioenari jarraituko zaio, hala nola: ostalaritza eta dieta gastuak zerbitzua edo lana ordaintzeko denean bakarrik onartuko dira, baldin eta gastua emandako zerbitzuarekiko proportzionala bada eta zerbitzua eman duen taldekideei mugatzen bazaie. Kanpotik bidaia behar duten talde ez profesionalen kasuan bakarrik onartuko dira zerbitzuaren fakturaz gain ostalaritza eta dieta gastu gehigarriak. Bidaia gastuak berriz, gehienez %30ean lagunduko dira.
- Zuriketarako, Astigar elkarteak urteko jardunaren txostena aurkeztuko dio Udalari, ondoko informazio eta agiriekin batera:
 - Memoriaren fitxa osatuta (emanaldiak, datak, parte-hartzaileak, balorazioa, argazkiak...)
 - Gastuen zerrenda (gastu bakoitzaren azalpena eta bakoitzari dagokion faktura edota egiaztatutako zerrendaren ordena berean)
 - Diru sarreraren ziurtagiriak
 - Hizkuntza eta berdintasun fitxak eta ikus-entzunezko eta material grafiko oro (kartel, esku-orri, bideo...)

3.7. Jasotako zenbatekoak itzultzea, dagozkion atzerapen interesekin, Dirulaguntzen Lege Orokorraren 37. artikuluan araututako kasuetan, bai eta dirulaguntzen ordenantzan edota hitzarmen honetan jasotako baldintzak ez betetzeagatik.

3.8. Hitzarmen honetan hitzartutako lankidetzak eta betetze mailaren jarraipena egiteko udalak eskatutako bilerak egitea eta informazioa ematea. Udalak horrela eskatuz gero, elkarteak ezingo dio uko egin. Jasotako zenbatekoak itzultzea, dagozkion atzerapen interesekin, Dirulaguntzen Lege Orokorraren 37. artikuluan araututako kasuetan, bai eta dirulaguntzen ordenantzan edota hitzarmen honetan jasotako baldintzak ez betetzeagatik.

LAUGARRENA.- Udalaren betebeharrak hauek izango dira:

4.1. Onartutako dirulaguntza ordaintzea, hitzarmen honetan finkatutako moduan.

4.2. Jarraian adierazten diren udal azpiegitura eta ekipamenduak uztea (*aretoak, espazio publikoak, mahaia, aulkiak...*), baldintza hauetan:

- Elkartearen jardura burutzeko Erribera kulturguneko edo beste udal ekipamenduren bateko aretoak uztea. Nolanahi ere, elkarteak eskaera aurkeztuko

du udaletxeko sarrera erregistroan eta bertan zehaztu beharko du zein egun eta ordutan eta zehazki zein areto erabili nahi duen eta udalak berariazko baimena emango du.

- Udal material eta ekipamendu orokorra ere Astigar Euskal Ohiturazaleen elkartearen esku jarriko da jardueraren baterako beharrezkoa bada eta libre baldin badago. Aldiro eskaera aurkeztu beharko da udal erregistroan.

4.3. Hitzarmen honen baitan burutuko diren jardueren informazioaren berri garaiz ematea Udalak hileroko agendan eta bestelako euskarrietan argitara dezan.

4.4. Diru itzulketen espedienteak izapidetzea dirulaguntzen ordenantzaren 26 eta 27. artikuluen arabera.

4.5. Hitzarmen honetan jasotakoak ez betetzea arau-haustetzat jo daitekeenean (dirulaguntzen ordenantzaren 28. artikulua arabera) zehapen espedientea izapidetzea ordenantzaren 29 eta hurrengo artikuluei jarraiki.

BOSGARRENA.- Udalaren dirulaguntza bateragarria izango da beste erakunde publiko edo pribatuek xede bererako eman ditzaketen bestelako dirulaguntzekin. Edozein modutan, ez da gain finantzaketarik egongo, eta hala gertatuko balitz, elkarteak dirua itzuli egin beharko luke.

SEIGARRENA.- Hitzarmen honek izaera administratiboa du eta bere interpretazioan eta garapenean dirulaguntzei aplikagarria zaien administrazioaren ordenamendu juridikoa aplikatuko da.

Interpretazio hori egitea, Astigarragako Udalari dagokio eta horrek hartutako erabakiek amaiera emango diote bide administratiboari eta hartzen diren unetik bertatik bete beharrekoak izango dira.

ZAZPIGARRENA: Hitzarmen honetako alde biek hartzen dituzten betebeharrak edo erantzukizunak, eta elkarrengandik dituzten eskubideak, eta hitzarmen honetan aurreikusten edo jasotzen ez den guztietarako, honako legeria aplikatuko da:

1. Apirilaren 2ko Toki Korporazioetako Oinarri arautzailearen 7/1985 zenbakidun Legea eta apirilaren 18ko erregimen lokaleko arauak biltzen dituen 781/1986 zenbakidun Testu Bateratua, beti ere Kontratu Legean ezarritakoaren aurka ez baldin badoa.
2. Herri Administrazioetako Dirulaguntzak arautzen dituen azaroaren 17ko 38/2003 Legea.
3. Uztailaren 21eko 887/2006 Errege Dekretua, zeinen bitartez dirulaguntza orokorrak arautzen dituen azaroaren 17ko 38/2003 legearena erreglamentua onartzen dena.
4. Dirulaguntzen Udal Ordenantza (*ordenantza eskura dago udalaren webgunean: <https://www.astigarraga.eus/eu/beste-ordenantza-batzuk>*)



Astigarragako Udala

5. Honetaz gain, zuzenbide administratiboko arauak eta bere kasuan zuzenbide pribatuko arauak aplikatuko dira.

ZORTZIGARRENA: Hitzarmen honetatik sortzen diren auziak administrazioko auzigaietarako jurisdikzioaren menpe geratuko dira.

Horrela jaso dadin eta ados daudela adierazteko hitzarmen hau sinatu dute hasieran adierazitako lekuan eta datan.

Xabier Urdangarin Lasa  Alkatea Astigarragako Udalaren izenean	Jose Mari Alberro Irizar  Elkarteko lehendakaria Astigar elkartearen izenean
--	---

